

شایخ وادنیات

محمد علی

ملک و ملتہ نافع ، تاریخ ، ادبیات ، فنون ، اقتصادیات و شئون سائرہ متعلق مباحث مفیدہ ہی حاوی مجموعہ شہریہ در

غرب آثار علمیه مخصوص اوله رق کتبخانه اتصالده کی
واسع عرصه (۱۰۰۰۰۰) یوز بیک ودها زیاده جلد
کتابی احتوا ایده جک ایکنجی بر کتبخانه ک انشایی
حقنه واقع اولان عرض و اخطارک شیخ الاسلام اسبق
خیری افندی حضرتلری طرفندن حسن تلقی اوله رق
بو امر جیمک حیز قله ایصالی ضمتده حمیده عمارتی
محله انشا اولان دردنجی وقف خاک بدل ایجاری
قارشلیق کوستریلرک استقراض اوله جق مبالغت تخصیص
ایدیه جکنی بیان ایلش ایسه مشارالیه خیری افندی
انفصالیله برابر مذکور خاک انشا آتی تأخر ایتش و اخیراً
محل مذکور فرانسه دولت فخمیه سی عساکرینک اقامته
تخصیص اولمش اولغله اشبو امر خیر، بوکونه قدر ساحت
حصوله کله مامش اولدیغندن و دولت مشارالیه ک ترقی
معارف و کلات خصوصنده دریغ معاونت ایتیه جکی
درکار بولدیغندن بختله بنای مذکورک تخلیه سی اسبابنک
استکمالی ضمتده خارجیه ناظری بک افندی حضرتلری
طرفندن دولت مشارالیه ک در سعادت ممثل عالیسی نزدنده
تشبثات لازمه سیاسیه ده بولونلشی استرحامنی حاوی ملت
کتبخانه سی ناظر و مؤسس علی امیری افندی حضرتلری
طرفندن ویریان تقریر او قوندی .

فی الحقیقه السنه اجنیه ده محرر (۱۰۰۰۰۰) یوز بیک
جلد ودها زیاده کتب عالی و نفیسه یی حاوی اوله رق پای تحت
سلطنت نیه ده معظم و مکمل بر کتبخانه تأسیس و انشایی
الزم و بویله بر تصوره بولونیلوب شیخ الاسلام اسبق
حضرتلرینه عرض و اخطار کیفیت ایتندن طولانی
امیری افندی حضرتلری شایان تقدیر کورلش اولوب
تقریرده در میحان اولندیغنی وجهله حمیده عمارتی محانه
انشا ایدلش اولان دردنجی وقف خان بدل ایجارینک
شوتأسیساته قارشلیق اتخا ذی ده مناسب بولمش اولدیغندن
مذکور وقف خاک لطفاً تخلیه سی اسبابنک استکمالی ضمتده
ایجاب ایدن تشبثات سیاسیه ده بولنلری خصوصتک خارجیه
ناظری بک افندی حضرتلرینه رجا و اشبو تقریرک بر
صورتنک کندیلرینه تودیع اولنلشی قرار لاشدیرلش و ناظر

بالای تعظیمنده نمونه اوله رق محافظه ایلدیکم شو بر قاج
پارچه ظریف چینلردن ده اکلاشیله جنی اوزره شوبنای زیبا
کاملأ چینی لرله مزین اولدیغنی حالده اول امرده چینی لر
قازمه لرله قیریلوب یرلرندن چیقارلش اولدیغنی اولوقت
درسه ایته سفیر کیر بولان موسیو بومبار حضرتلرینک
حرم محترم لری مام بومبار حضرتلری خبر آله رق
بالذات کلوب صحیح اولدیغنی کورمش و بک متأثر اوله رق
بویله صنایع نفیسه یی حاوی بر بنای قدیمک بیقلما سنک
جائز اوله میه جغنی اولوقتکی وکلای دوله بیان و همده
بالذات مابین هابونه عزیمتله خاقان سابق جتیمکان سلطان
محمد رشاد خان حضرتنه عرض ایتک صورتیله، زواللی
بنانک امدادینه یتشهرک فلاکت همدن قوتار مشدر .

ایته (۱۰۰۰۰۰) یوز بیک عدد کتب شرقیه
(خزانه الکتب) اتخا ذ اوله جق محل بو محل اولوب
یاندن کی عرصه ده (۱۰۰۰۰۰) یوز بیک عدد کتب
غربیه (خزانه الکتب) اتخا ذ اوله جقندن و بویله نفیس بر
بنانک بیقیدر لیوب مهم بر اثر مدینتک وجوده کتورلشنه محب
علم و عرفان اولان فرانسه دولت فخمیه سنک بر سفیر کیر
عالیقدرینک زوجه محترمه عفتناهی لرینک همت و ارشادی سببت
ویرمش اولدیغندن اکر بو معالی امور فرانسه دولت فخمیه
سنک ممثل عالیقدرینه خبر ویرلش اولسه، دکل اوپله بر آبارتمان
وارداتنک ترک تخصیصی و بیکه دها عالی بر صورته
معاونتده بولنه جقلری شهر سزدر . بو خصوصه ملت
کتبخانه سی انجمن عالیسی اعضای کز امدن حاضر بالجلس
خارجیه ناظر جلیلی صفا بک افندی حضرتلرینک مسلم
انام اولان لسان تراکت و عرفانلرله دلالت بیورملرینه ده
علاوه عرض و استرحام ایلرم اولایده ...

ملت کتبخانه سی انجمن عالیسنک بو بایده

ضبطنامه یه یکیرلین قراری

ملت کتبخانه سنک بدایت تأسیسنده علوم شرقیه عائد
آثارک یوز بیک جلد و بالاغله برابر یاندن سنه اجنیه ده محرر

مشارالیه حضرتلری جانبندن فرانسه دولت فحیمه سنک
ممثل عالیسی نزدنده عم و عرفان مملکت خدمت نامه
مع الافتخار ایجابی وجهه تشبثده بولنه جقلری و عد و بیان
بیورمشدر . [۱]

بالاده کی تقریر چاکرانه مک لقیله خارجیه نظارت
جلیله سنه یازیلان تذکره اوزرینه جریان ایدن معامله
اولوقت داخله ناظری بولنان فخامتلو دوللو عزت
باشا حضرتلری ده اوتدنبیری واقع اولان بو تشبثی پک
چوق بکنه رک ایجاب ایدرسه کندیلری ده خارجیه ناظری
صفا بک افندی حضرتلریله برلکده ممثل حضرتلرینه
عزیمت ایده جکلرینی بیان بیورمشدر ایدی . صفا بک
افندی حضرتلری ده ، فرانسه ممثلی حضرتلری بارسه
عزیمت ایتدیلر . اون بش کونه قدر عودت بیورده جقلرندن
خارجیه نظارتنه خطاباً یازیله جق تحریرات اولوقت یازلق
اوزره ممثل مشارالیه حضرتلرینک عودتی خبر و بره جکنی
بیان ایلدیلر و فی الحقیقه اون بش کون قدر صکره ممثل
حضرتلرینک عودت عالیری اثناده تشکل ایدن انجمنده
صفا بک افندی حضرتلری اطفأ موقع عالیلرندن
قالقهرق نزد چاکری به تشریف و ممثل حضرتلری
عودت بیوردقلرینی تبشیر ایلدیلر و صورت تقریرک لقیله
خارجیه به خطاباً یازیله جق تحریراتی یازیکنز بیوردیلر . مذکور
تحریراتک لقیله یازیلان ۵ مایس ۱۳۳۷ تاریخی تحریراتده
بوسوزلری ده ، مطالعه عاجزانم اوله رق علاوه ایشدم .
شویله که « تقریرده عرض ایلدیکم معالی تشبثه کسب
وقوف ایددجک اولان ممثل مشارالیه حضرتلری دکل
اویله بر خان وارداتنک ترک و تخصیصی یلکه دهعا عالی
بر صورتده معاونت یعنی بیکلرله فرانسجه کتب نفیسه
[۱] بوهیث جلیله محترمه به ناصل قیامته قدر . متدار
اولیه یم که ختام مذاکره دن صکره قالقوب بالذات او واسع
غرضی می شامده و ماینه ایله مناب بر کتبخانه موقی اولدیفنی
قبول و تقدیر ایددک عودت بیورمشدر .

جلب واهداسنه وحتی انشا اوله جق کتبخانه جدیدک
شکل بدینک تعین و ترسیمنده دلالت بیورده جقلری
شبه دن آزاده اولدیفندن بورالرینک ده مسلم اولان شیوه
افاده لری و عرفان و تراکت نظارت پناهیلریله بر آن مناسبده ممثل
مشارالیه حضرتلرینه آجلمسی قضیه سی نتیجه استرحامدر .
ایشته بر موجب قرار انجمن عالی تقریرک لقیله تحریراتی
یازدقدن بر مدت صکره بر صحتلیجه خبر آله مدیفندن
وعد فخامت پناهیلری وجهه تعقیب اولنمسی تعهدلی بر
مکتوب ایله عزت باشا حضرتلرینه ده یازدم . خاطرمد
قالدیفنه کوره اوصرده عزت باشا حضرتلرینک داخله دن ده
انفصال بشایعه سی ظهور ایتش و فقط هنوز رینه هر نه
قدر کیسه تعین اولنماش ایسه ده موقع عالیلرینه دوام
ایتمامکده ایدیلر . بونک ایچون تعهدلی بر مکتوبله اقامتگاه
فخامت پناهیلرینه یازمشدم .

خارجیه نظارت جلیله سنک مسام اولان مشغولیت
عظیمه سی حسیله فرانسه ممثل عالی قدری هنوز خبردار
ایدلماش اولسه کرکدر . پای تحت سلطنت سنیه لایق
(۱۰۰۰۰۰) یوزیک ودها زیاده جلدک غریب کتابلرینه
دائر کتبخانه نک میدان کلسنه موفقیت معاونت حاصل
اولورسه بونک مدیری وهر لسانه عائد کتابلرک حافظ
کتلری اول امرده اولسانه منسوب محترم اجانبندن
اولماید .

خارجیه نظارتنک انضمامیه صدر اعظم بولنان عالی باشا
زماننده بوندن ۵۵ سنه اول تشبث اولنان
« ملت کتبخانه سی » لایحه سی

فاضل مشهور منیف باشا هنوز منیف افندی ایکن بر جمعیت
تشکیلیله ۱۲۸۷ واسطنده بر لایحه قلمه آلمش و اولوقت خارجیه
مکتوبیجمی بولنان ادیب معروف ادهم پرتو باشا طرفندن مذکور
لایحه نک برکله سنه طوق و لقمه زین سطرلری آره سنه دیکر بعض
سطرلر علاوه و عالی باشا طرفندن عین صورتله تصحیح اولنهرق
چنبرلی طاشده شمعی عثمان بک مطبعه سی (ایاجیلر خان) نامیه
مشهور اولان جیم شده بر « معظم ملت کتبخانه سی » انشاسنه
قرار ویرلش ایدی . معلوم اولیق ایچون لایحه اصلیه بر معشاده